

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



বাংলাদেশের স্কুল ফিডিং ও পুষ্টি কর্মসূচির সহায়তায় যুক্তরাষ্ট্রের গম প্রদান অনুষ্ঠানে বাংলাদেশে যুক্তরাষ্ট্রের রাষ্ট্রদূত ড্যান মজীনা'র বক্তব্য

চট্টগ্রাম বন্দর
৯ই সেপ্টেম্বর, ২০১২

প্রধান অতিথি, জনাব মোতাহার হোসেন, এমপি, প্রাথমিক ও গণশিক্ষা বিষয়ক প্রতিমন্ত্রী
ক্রিস্টা রাডের, বাংলাদেশ কান্ট্রি পরিচালক, বিশ্ব খাদ্য কর্মসূচি
জনাব আহমেদ হোসেন খান, খাদ্য ও দুর্যোগ ব্যবস্থাপনা মন্ত্রণালয়ের খাদ্য বিষয়ক মহাসচিব
জনাব সাইফুল হক চৌধুরী, উর্ধ্বতন সহকারি প্রধান, অর্থনৈতিক সম্পর্ক বিভাগ, অর্থ মন্ত্রণালয়
গম...

আজকে আমরা গম নিয়ে কথা বলবো...প্রচুর গম...১০,৪৪০ টন গম...আমেরিকান গমে পরিপূর্ণ একটি
জাহাজ...

এই গম একটি উপহার...আমেরিকার জনগণের পক্ষ থেকে বাংলাদেশের শিশুদের জন্য একটি উপহার...
বাংলাদেশে আমেরিকার রাষ্ট্রদূত হিসেবে আমি এই অনুদান হস্তান্তর করতে পেরে গর্বিত।
তবে, আমাদের আজকের উদযাপনটা আমেরিকা থেকে আগত প্রচুর পরিমাণে গমের জন্য নয় বরং তারও উর্ধ্ব
একটি বিষয়ের জন্য...

...আজ আমরা অংশীদারিত্ব উদযাপন করছি...বাংলাদেশের শিশুদের পরিচর্যার জন্য আমেরিকা ও
বাংলাদেশের মধ্যে অংশীদারিত্ব, এমন অংশীদারিত্ব যা বাংলাদেশী শিশুদের মানসিক ও শারীরিক উন্নয়ন সাধন
করে, এমন অংশীদারিত্ব যা এদেশের আগামী নগরিক গড়ে তুলবে।

এদেশের দরিদ্রতম ও সর্বাধিক হুমকির সম্মুখীন শিশুদের জন্য বাংলাদেশ সরকারের বিশাল স্কুল ফিডিং
ও পুষ্টি কর্মসূচিকে এই গম সহায়তা করে।

বাংলাদেশ ভালোমতো বুঝে যে ক্ষুধার্ত শিশুরা শিখতে পারবে না।

বাংলাদেশ ভালোমতো বুঝে যে ক্ষুধার্ত শিশুরা স্কুলে থাকবে না।

বাংলাদেশ ভালোমতো বুঝে যে সোনার বাংলাদেশ, মধ্য আয়ের বাংলাদেশ, এশিয়ার আগামী টাইগার,
রয়েল বেঙ্গল টাইগার গড়ার জন্য শিক্ষাই মূল চাবিকাঠি।

আজ আমরা...বাংলাদেশ, আমেরিকা ও আমাদের চমৎকার সহযোগী বিশ্ব খাদ্য কর্মসূচি...আমেরিকা পক্ষ
থেকে প্রদান করা শয়ে শয়ে, হাজার হাজার ব্যাগ গমের আগমনের চেয়েও অধিক কিছু উদযাপন করছি...আজ

আমাদের আনন্দের বিষয় হলো যে এই গম খুব শীঘ্রই পুষ্টিসম্মত খাদ্য উৎপন্নে ব্যবহার করা হবে যা পুরো দেশব্যাপী স্কুলগামী দরিদ্র শিশুদের মধ্যে বিতরণ করা হবে।

এই পুষ্টিকর খাদ্য তাদের শরীর গঠনে সাহায্য করায় এই শিশুদের স্কুলে থাকার সম্ভাবনা বৃদ্ধি পায়, এই শিশুরা আরো ভালোভাবে পড়াশোনা করতে, শিখতে ও এই দেশের ভবিষ্যতের জন্য আরো উজ্জ্বল ভবিষ্যৎ নিশ্চিত করতে তাদের দক্ষতা ও বিবেকবুদ্ধির উন্নয়ন করতে পারবে।

বাংলাদেশকে তার সবচেয়ে হুমকির সম্মুখীন শিশুদের খাদ্য প্রদানে আমেরিকার সহায়তার দীর্ঘমেয়াদি প্রতিশ্রুতির একেবারে সাম্প্রতিক অংশই হলো আজকের এই গমের চালান।

আমি নিজেও একটি খামারে বড় হওয়ায় আমি আনন্দিত যে যুক্তরাষ্ট্রে কৃষি মন্ত্রণালয় শিক্ষা ও শিশু পুষ্টির জন্য ম্যাকগোভার্ন-ডোল আন্তর্জাতিক খাদ্য কর্মসূচির মাধ্যমে বাংলাদেশের জন্য এই গম সরবরাহ করা অব্যাহত রেখেছে।

বাংলাদেশের স্কুল ফিডিং কর্মসূচিতে আমেরিকার সহায়তা, প্রেসিডেন্ট ওবামার ফিড দ্য ফিউচার উদ্যোগের মাধ্যমে আরো শক্তিশালী খাদ্য নিরাপত্তা গড়ে তোলার লক্ষ্যে বাংলাদেশের সরকারের সঙ্গে আমাদের অংশীদারিত্বের পরিপূরকের ভূমিকা পালন করছে।

বাংলাদেশের সঙ্গে অংশীদারিত্বের মাধ্যমে ফিড দ্য ফিউচার কর্মসূচি বাংলাদেশের কৃষি উৎপাদন বৃদ্ধি, বাংলাদেশীর জীবনমান উন্নয়ন ও খাদ্য সংগ্রহে তাদের সামর্থ্য বৃদ্ধি, বাংলাদেশী মায়েদের তাদের সন্তানদের জন্য আরো পুষ্টিকর ও বৈচিত্র্যময় খাদ্য তৈরি করতে সহায়তার করার ক্ষেত্রে গুরুত্বপূর্ণ ভূমিকা পালন করছে।

বাংলাদেশের সঙ্গে আমেরিকার অংশীদারিত্ব ... ইউএসডিএ ম্যাকগোভার্ন-ডোল স্কুল ফিডিং কর্মসূচি, প্রেসিডেন্ট ওবামার ফিড দ্য ফিউচার উদ্যোগ, ও আমাদের অন্যান্য অনেক অংশীদারিত্বমূলক কর্মসূচি যেগুলো উন্নত শাসনব্যবস্থার প্রসার, প্রাথমিক স্বাস্থ্য উন্নয়ন, অর্থনৈতিক প্রবৃদ্ধির প্রসার, বৈশ্বিক জলবায়ু পরিবর্তনের প্রভাবের সঙ্গে খাপ খাওয়ানোর সামর্থ্য বৃদ্ধি ও দেশের নিরাপত্তা ব্যবস্থার উন্নয়নে কাজ করছে...এ সবগুলোই একটি শান্তিময়, নিরাপদ, সমৃদ্ধ, সুস্থ ও গণতান্ত্রিক বাংলাদেশ প্রসারের প্রতি সচেষ্টি। এমন একটি বাংলাদেশ, আমেরিকার জনগণ, দক্ষিণ এশিয়ার ও সর্বোপরি স্বয়ং বাংলাদেশের স্বার্থ সংশ্লিষ্ট বলে আমার বিশ্বাস।

দরিদ্র শিশুদের স্বাস্থ্য উন্নয়নে ও তাদের স্কুলে থাকতে উৎসাহিত করতে বিশেষ ভূমিকাসম্পন্ন এই প্রদত্ত গমের আগমন উদযাপন করতে আজ এখানে আসতে পেরে আমি সত্যিই আনন্দিত ও গর্বিত।

আজ আমরা...বাংলাদেশ, আমেরিকা ও বিশ্ব খাদ্য কর্মসূচি...একটি সোনার বাংলাদেশ গড়ে তোলার আমাদের একই স্বপ্ন বাস্তবায়নের দিকে আমরা এক বিশাল পদক্ষেপ গ্রহণ করছি।

এটা আসলেও বাংলাদেশের জন্য এক বিশাল দিন ও আমেরিকার জন্য এক বিশাল দিন।
ধন্যবাদ।

=====